

Апостол 18.08.2024

**Б:** Мир всем.

**Я:** И духови твоему.

**Б:** Премудрость.

**Я:** Прокимен глас 7:

Господь крепость людем Своим даст, / Господь  
благословит люди Своя миром.

**Хор:** Господь крепость людем Своим даст .....

**Я:** Принесите Господеви сынове Божи, принесите  
Господеви сыны овни.

**Хор:** Господь крепость людем Своим даст .....

**Я:** Господь крепость людем Своим даст

**Хор:** Господь благословит люди Своя миром.

**Б:** Премудрость.

**Я:** : к коринфяном послание святого Апостола Павла  
чтение.

**Б:** Вонмем

**Братие,** молю вы именем Господа нашего Иисуса  
Христа, да тожде глаголете вси, и да не будут в вас  
распри, да будете же утверждени в томже разумении и в  
тойже мысли. Возвестися бо ми о вас, братие моя,  
посланным от Хлоиса, яко рвеня в вас суть. Глаголю  
же се, яко кийждо вас глаголет: аз убо есмь Павлов, аз  
же Аполлосов, аз же Кифин, аз же Христов. Еда  
разделися Христос, еда Павел распятыя по вас? Или во

имя Павлово креститесь? Благодарю Бога, яко ни  
единого от вас крестих, точию Криспа и Гаиа, да не кто  
речет, яко в мое имя крестих. Крестих же и Стефанинов  
дом, прочее не вем, аще кого иного крестих. Не посла  
бо мене Христос крестити, но благовестити, не в  
премудрости слова, да не испразднится крест Христов.  
Слово бо крестное погибающим убо юродство есть, а  
спасаемым нам сила Божия есть.

\*( 1 Кор 1:10–18, зач. 124)

**Братие,** аще быхом сами разсуждали, не быхом  
осуждени были. Судими же, от Господа наказуемся, да  
не с миром осудимся. Темже, братие моя, сходящесея  
ясти, друг друга ждите. Аще ли кто алчет, в дому да яст,  
да не в грех сходитесея. О прочих же, егда прииду,  
устрою. О духовных же, братие, не хошу вас не водети.  
Весте, яко егда неверни бесте, ко идолом безгласным  
яко ведоми ведостесея. Темже сказую вам, яко никтоже,  
Духом Божиим глаголай, речет анафема Иисуса, и  
никтоже может рещи Господа Иисуса, точию Духом  
Святым. Разделения же дарований суть, а тойжде Дух, и  
разделения служений суть, а тойжде Господь, и  
разделения действий суть, а тойжде есть Бог, действуя  
вся во всех.

\*( 1 Кор 11:31–12:6, зач. 150)

**Б:** Мир ти.

**Я:** И духови твоему.

**Б:** Премудрость.

**Я:** Аллилуиа глас 7

**Хор:** Аллилуиа 3 раза

**Я:** Благо есть исповедатися Господеви и пети Имени Твоему, Вышний.

**Хор:** Аллилуиа 3 раза

**Я:** Возвещати заутра милость Твою, и истину Твою на всяку нощь.

**Хор:** Аллилуиа 3 раза